

ՄԵԾ ՄՏԱԾՈՂԸ

Ղ. Բ. ՎԱՐԴԱՊԵՏՅԱՆ

(Վ. Գ. Բելինսկու ծննդյան 150-ամյակի առթիվ)

Հայտնի է, որ XIX դարը Ռուսաստանի պատմության մեջ նշանակալից է մեծ տեղաշարժերով: Լենինը նշել է, որ այդ դարը բնորոշվում է երեք փուլերով, որոնք կապվում են ռուսական իրականության երեք դասակարգերի հետ: Առաջին շրջանը (1825—1861) հիմնականում կապվում է ազնվականության հետ, երկրորդ շրջանը՝ (1861—1895)՝ ռազնոչին կամ բուրժուազեմոկրատական խավերի հետ, երրորդը՝ (1895-ից)՝ պրոլետարիատի հետ: Լենինը նկատել է, որ առաջին շրջանում բողոքում էր ազնվականության շնչին փոքրամասնությունը, որը կապված չէր աշխատավոր մասսաների հետ և այդ պատճառով էլ հնի դեմ իր ընդվզումների մեջ անգոր էր, սակայն այդ բողոքող ազնվականության միջից դուրս եկած լավադույն մարդիկ՝ դեկարրիստները օգնեցին արթնացնելու ժողովրդին: Գերցենը խանդավառությամբ նկատել է, որ դեկարրիստները «...դրսից մինչև ոտները պողպատից ձուլված դյուցազուններ էին, ռազմիկներ, որոնք գիտակցաբար գնում էին դեպի հաստատ կործանում, որպեսզի արթնացնեն երիտասարդ սերնդին նոր նյանի համար: Դա, Գերցենի դիպուկ արտահայտությամբ, «կրակոց էր իսկապես դիչերում»: XIX դարն սկսվում է, իրոք, ամենածանր ուսկցիայով: Նիկոլայ I-ը մուկնում էր՝ հանդես դալով դահճի դերում:

Գարաշրջանի պաշտոնական դադափարախոսությունը ինքնակալությունն ու ուղղափառությունն էին: Այն ամենը, ինչ դրանից դուրս էր դաժանորեն հետապնդվում էր: Բնորոշ մի փաստ. այդ շրջանի լուսավորության մինիստր Ուվարովը իր կրեդոն ձևակերպել է այսպես. «Եթե ինձ խաղովի Ռուսաստանը յս տարով ետ տանել նրանից, ինչ նրան պատրաստում է թերիան՝ կկատարեի պարտքս և կմեռնեի հանդիստ: Պաշտոնական դադափարախոսության մեխը դա ստատուս քվոն էր: Ոչ մի փոփոխություն եղած դրության մեջ—այս էր տիրապետող շրջանների սկզբունքը: Սակայն որքան հասարակական կյանքը ծանր ու ճնշող էր, այնքան էլ բարձրացող էին մարդկությունը օրոստարն ուժեղանում էր: Բնորոշելով այն թարմ վիթխարի ուժը, որ կապվում էր ռուս ժողովրդի ուսույցիոն քայլերի և ջանքերի հետ, Լենինը գրել է. «Մեխանիկայի օրենքն ասում է, թե զործողությունը հավասար է հակազործողության: Պատմության մեջ, ուսույցիայի խորտակիչ ուժն էլ պակաս չափով կախված չէ ալն բանից, թե ինչքան հզոր և տեական է եղել ազատության ձգտման ճնշումը, թե ինչքան խորն է հակասությունն անդրջրհեղեղյան «վերնաշենքի» և ժամանակակից դարաշրջանի կենդանի ուժերի միջև»:

Գրական ձևի մեջ ժամանակի ոգին արտահայտվել է այսպես. «Որտեղ է այն մարդը, որ ռուսական հոգու հարազատ լեզվով կարողանար մեղ ասել ամենահզոր բառը՝ «հառաջ»: Այդ բառը ամենավառ և կրակոտ ձևով ասացին ուսույցիոն-դեմոկրատները՝ Բելինսկին, Գերցենը, Չերնիշևսկին և Դոբրոլյուբովը: Սակայն Ռուսաստանում այդ դարում դեպի առաջ շարժվելը կապվում էր, և չէր կարող չկապվել, վիթխարի արգելքների, ծանր զոհողությունների հետ: Պայքարը պահանջում էր կամքի, մտքի մեծագույն լարում: Ժողովրդին ճորտատիրական կապանքներից դուրս բերելու պահանջը կառավարող շրջանների կողմից դիտվում էր որպես սրբապղծություն, օրոստարն հրամայական պահանջ էր դառնում կյանքի առաջընթացն արգելակող հին, փտած հարարերությունների ոչնչացումը: Առանց մեծ գործերի, մեծ զոհերի, վիթխարի անձնուրաց ջանքերի, որոնումների՝ հնարավոր չէր դեպի նոր բնագծեր շարժվելու: Կյանքի արմատական վերափոխման պահանջը խթանում էր որոնման կիրքը, գիտական թերիա մշակելու ձգտումը: Հիմնական խրն-

դիրն էր. դուրս բերել ուսումնական մեծ ճանապարհի վրա, վերակառուցել հասարակարգն այնպես, որ համապատասխաներ ժողովրդի դեմքին և ձգտումներին: Նշանակալից և բնորոշ է այն, որ ուսումնական-դեմոկրատներն անհուն սիրով և հավատով էին լցված ժողովրդի պատմական մեծ դերի նկատմամբ: Այստեղ էր նրանց անկոտրում կամքի և ուժի ակունքը: Թեոթիայի բնագավառում եռանդագին որոնումների նպատակն էր հասնել ճշմարտության, գտնել երջանիկ կյանքի կառուցման ուղիները և եղանակները: Այդ ձգտումից բխում էր այն, որ թեոթիան, փիլիսոփայությունը երկնային ոլորտներից պետք է իջներ երկրի վրա, թեոթիան պետք է լիներ բովանդակալից, սոցիալապես հագեցված, ունենար ուղղվածություն: Ռուսական ծանր իրականության մեջ Բելինսկին էր, որ արտահայտեց այն միտքը, թե ռուսական հոգին տոչորվում է կյանքի, գործելու ծարավից: Մեծ մտածողը հանգեց այն վճռական մտքին, որ թեոթիան լուրջ բան կդառնա միայն այն ժամանակ, երբ հանդես կգա առքնապյերիզմի՝ դերով: Թեոթիայի հետ Բելինսկին կապում էր ագործել, գործել՝ սկզբունքը: Պետք էր կոտրել թեոթիայի պալատական ոգին, ինքն իր մեջ բնկղմվելու, իր ներքին հարստությամբ տարվելու, կյանքի բնորոշից հեռու կանգնելու սովորությունը: Թեոթիայի, փիլիսոփայության խնդիրն ամենից առաջ այն է, որ թափանցի երևույթների լականի մեջ, վեր հանի ու քաջատրի այրող հարցերն և պրոբլեմները: Նա իր մեջ պետք է ներծծի կյանքի ամբողջ շունչը, այլապես հնարավոր չի լինի կյանքի վերակառուցումը նոր հիմքերի վրա: Ընդհանրական կարգերի քայքայումը, ճորտ գյուղացիների շահագործող ընդվզումներն, ակներև էին դարձնում անցման անհրաժեշտությունը: Անցումները միշտ էլ կապվել և կապվում են ուժերի մեծ լարումների, կրքոտ որոնումների հետ: Այդպիսի բեկումնալից, լարված ժամանակներում սովորաբար գործիչների, մտածողների երկու տիպեր են հրապարակ իջնում. Դուրկու արտահայտությամբ, ամեն ինչ ամբողջովին մարմնավորում է ամենայն մեծնողը, իր դարն անցածը... մյուս տիպը ապրում է քաջառապես ապագայի ձգտումով, բոլորովին հեռու հեկից և թշնամի նրան — դա մեզ համար Բելինսկին է, Դորրոլլուրովը, Չերնիշևսկին:

* *

Դաժան հնի դեմ պայքարը Ռուսաստանում շատ վաղ ժամանակներից է սկսվել: Պայքարի քուրայում Ռուսաստանում XVIII դարից սկսած թեոթիական լուրջ խթաններ են ստեղծվել: Լոմոնոսովի և Ռադիշչևի ջանքերով մատերիալիստական ուղղության սկիզբը դրվեց: Այդ առթիվ էնինքն նշել է, որ Ռուսաստանի հասարակական առաջավոր մտքի երկու հիմնական ուղղությունները բարեբախտաբար ունեցել են լուրջ մատերիալիստական տրագիգիա: Բելինսկու, Գերցենի, Չերնիշևսկու, Դորրոլլուրովի թեոթիական որոնումների ճանապարհին առաջին մեծ բարձրությունը Հեգելն է եղել: Հայտնի է, որ Հեգելի փիլիսոփայությունը ոչ միայն Ռուսաստանի, այլև Եվրոպայի շատ առաջավոր, մտավոր մեծ ուժի տեր մարդկանց մագնիսի պես իրեն է ձգել և մինչև որոշ ժամանակ գերել: Պատահական չէ, որ այնպիսի մեծ հանճարներ, ինչպիսիք էին Մարքսն ու Էնգելսը կարողացան հեգելյան սահմանը պատռել, դուրս գալ մոտավորապես անցյալ դարի քառասունական թվականների կեսերից: Չերնիշևսկին շոշափելով Հեգելի ազդեցության հարցը Բելինսկու վրա նկատել է, որ վերջինս թեև կատարյալ հանճար էր, բայց մի որոշ ժամանակ Հեգելը նրան այնպես էր գերել, որ աշխարհը նա հայտն էր հեգելյան տեսանկյունով: Չերնիշևսկին շեշտել է այն բնորոշ մոմենտը, որ Բելինսկու խառնվածքի մեծ ուժը, մինչև անգամ Հեգելով հրապուրման ժամանակն էլ, ուղում էր դուրս պոթկալ այդ սահմաններից:

Հեգելի ուսմունքի մեջ Բելինսկուն հրապուրում, գրավում էին հիանալի հարցադրումները, մաքի խիզախումները, մտքի լայնությունն ու խորությունը, հատկապես դիալեկտիկական մեթոդը:

Չերնիշևսկին շոշափելով Հեգելի փիլիսոփայության գերող նշանակությունը, նկատել է, որ այդ փիլիսոփայությունը որոնող մտքերի առջև մի տեսակ բաց էր անում դեպի ճշմարտությունը տանող դուռը, կոչ անելով՝ «որոնեցեք ճշմարտությունը, որովհետև բարիքը նրա մեջ է: Ընդարտությունն ինչպիսին էլ լինի, այնուամենայնիվ նա լավ է այն բանից, ինչ ճշմարիտ չէ: Մտածողի առաջին պարտականությունն է՝ ոչ մի հետևանքի առաջ կանգ չառնելու: Նա պետք է պատրաստ լինի զոհարելու ճշմարտության իր ամենասիրելի կարծիքները. մոլորությունն ամեն մի կորստանման աղբյուրն է. ճշմարտությունը բարձրագույն բարիք է և ամեն մի այլ բարիքի աղբյուրը»:

¹ Н. Г. Чернышевский, Избранные философские сочинения, Москва, 1938, էջ 432:

Մական այն մտածողները, մեծ գործիչները, որոնք ձգտում էին թեորհան, փիլիսոփայությունը լծակ դարձնել իրականության վերափոխման, հինը տապալելու, նորը ստեղծելու ուղղությամբ, դուրս էին գալիս Հեգելով հրապուրվելու կախարդական շրջադիրք և սկսում էին քննական հալածող զիտել այդ մեծ մտածողի ուսմունքը։ Հեգելի ուսմունքի մեջ տեսնում էին չափավորություն, հնի հետ հաշտվելու, կյանքի իրական ճշմարտությունները թեանցելու քնդհանուր միտում, Չերնիշևսկին դիպուկ նկատել է, որ Հեգելին հաղթահարելու համար անհրաժեշտ էր լինել հեգելական Հեգելի պահպանողականությունն ըստ էության արտահայտվում է, Չերնիշևսկու խոսքերով ասած, այն բանում, որ բացակայում է իրերի տվյալ վիճակը փոխելու կամեցողությունը։ Իսկ ուսումնական-դեմոկրատների համար հենց այդ էր կականը։ Որոշ շրջանից հետո (1830-ական թվականների վերջերից), Չերնիշևսկու արտահայտությամբ, պետերբուրգյան «բախարանից» սկսած, իրականությունը խթանեց Բելինսկուն վերանայելու իր գաղափարական պաշարը։ Չերնիշևսկին նկատել է, որ հենց այդ «բախարանում» էլ սկիզբ դրվեց գլխավոր ստուգմանը, տեղի ունեցավ հեգելյան դրույթների, սկզբունքների զտումը միակողմանիությունից։

Բելինսկու համար հիմնականն ու կականը իրականության արմատական փոփոխությունն էր։ Այս ոգով յուրացնելով Հեգելի դիալեկտիկան նա ունի և որոշակի իմաստ տվեց դիալեկտիկական բացասմանը։ Նա դժգոհ էր Հեգելից առանձնապես այն բանի համար, որ նրա մոտ բացասման բացասումը չէր շոշափում բուն իրերի աշխարհը։ Բուտկինին գրած իր մի նամակում Բելինսկին նկատել է, որ Հեգելը «...կյանքի երևույթները դարձրել է ստվերներ, որոնք կմախքային ձևերով իրար փարված՝ պարում են շուրջ, գերեզմանատան վրա...»¹։

Դիալեկտիկական բացասումն իմաստ և նշանակություն ձևեր կրերի միայն այն ժամանակ, երբ հետևողականորեն գործադրվի հինը մարմնացնող ուժերի դեմ։ Առանց ունի բացասման հինը, իր դարձանցածը այնքան կուռճանա և ամրից դուրս կգա, որ կառաջանա լծացում, կյանքը գվերածվի մի գարշահոտ ճահճի։ Բելինսկին անհատների մեծությունը տեսնում էր բացասման ուժի մեջ։ Նա նկատել է, որ պատմության հերոսները հանդիսանում են հինը քանդողները։ Որպես այդպիսի փաստի օրինակ նշում է Լյութերին, Վոլտերին, Լեյբնիցիստներին, յակոբիններին² և այլն։ Այնուհետև նա իր ստեղծագործական մտքի մեջ հասել է այն կետին, որ բացասումը գիտել է որպես կապի մոմենտ։ Նա խիստ քննադատում է նիհիլիստական վերաբերմունքը պատմության նկատմամբ։ Առանց նախորդ սերունդների ճիգերի ոչ մի մեծ բան պատմության մեջ չի ստեղծվում։ Խոշոր իրադարձությունները ենթադրում են օրյակտիվ պայմաններ, նախադրյալներ։ Նա գրել է. «Ո՛ր ինքն իրեն ոչ մեծ բան է անում, ոչ փոքր, այլ նայելով իր շուրջը՝ ամեն մեկն սկսում է կամ շարունակել, կամ բացասել իրենից առաջ արվածը. սա պատմական զարգացման օրենքն է»։ Մեծ անհատները չեն հորինում, նրանք իրենց ստեղծագործական ավյունը բաղում են իրական պայմաններից։ Որպես այս դրույթի հաստատման օրինակ Բելինսկին վերցնում է Լյութերին։ Հարցը դրվում է այսպես. ինչու՞մ է նրա մեծությունը։ Դրան մեծ մտածողը պատասխանում է այսպես. Լյութերը կարող էր լինել և կարող էր չլինել։ Լյութերի գոյությունը գուտ պատահականություն է, որովհետև նա կարող էր ծնվել, կարող էր և չծնվել, կարող էր ընդունվել շատանալ հանձարեղ ոգի, ինչպես և ստանալ այն։ Լյութերը նշանակալից դեր է կատարել հենց նրա համար, որ նրա մեջ մեծ ուժով և լիարժեքությամբ իրեն զգացնել է տվել ժամանակի ոգին։ Լյութերին շարժում էր ժամանակի ոգին։ Երկ պարագաները, որոնք ժամանակի ոգու արդյունք էին, նրան մատնացույց էին անում ուղին և միջոցները³։

Նախադրյալների, պարագաների վճռող ուժը շեշտելու համար Բելինսկին նկատում է, որ եթե Լյութերը մեկ դար հետո ծնվեր, ոչ ոք չէր իմանա նրա անունը։ Մեծ մարդը գործ չի հնարում, այլ գտնում է իրեն ժամանակի մեջ։

Բելինսկին ըստ էության հերքում էր Թ. Կարլևիչի շատ տարածված, իդեալիստների կողմից հանաչված հիմնական այն դրույթը, թե «Հերոսն իր ժամանակի արդյունքը չէ»։ Այսպես, օրինակ, եթե Թ. Կարլևիչը պատմական որևէ ժամանակի հետ կապում էր մեծ տեղաշարժերի փաստը, ապա դա նա կենտրոնացնում, խտացնում էր մի որևէ անձնավորության մեջ։

Մինչմարքսյան փիլիսոփայության մեջ Բելինսկին այն ամենանշանավոր մտածողներից մեկն էր, որ փորձեց որոշել անհատի մեծության նշանները։ Մեծ անհատները նրանք են, որոնք սկիզբ են դնում Հենց սկիզբ դնողներն են, որ մնում են անմահ։ Սկիզբ դնող հանձարները մարմնավորում, դրսևորում են մարդկային ոգու ուժը։ Մեծ անհատը այն ժամանակ է մեծ դառնում,

¹ Վ. Գ. Բելինսկի. Փիլիսոփայական ընտիր երկեր, Նրևան, 1954, հատ. 1, էջ 341։

² Նույն տեղում, էջ 303—304։

³ Նույն տեղում, էջ 242։

երբ դրսևորելով ժողովրդի ողին, ձգտում է վերացնել «մարդկության և ժողովուրդների ընթացքը դժվարացնող խոչընդոտները»։ Այդ պատճառով էլ հանձարը, բոլոր ընագավառներում էլ, «կար-
օես թե իր ժամանակակից մարդկության կամ թե իր ժողովրդի գիտակցության ֆոկուսն է»¹։
Հինը իր տեղը կամավոր չի դիչում նորին։ Նորը միշտ էլ կապվում է ժողովրդի անվան և դերի
հետ։ Չի եղել և չի կարող լինել պատմության մեջ այնպիսի իրադրություն, որ իսկական նորը
չհամապատասխաներ աշխատավոր մարդկության շահերին։ Պրոգրեսի տեսանկյունը Բելինսկու
համար գալիս հոծ մասսաների, աշխատավոր մարդկության շահերն են։ Այն, ինչ դեմքն թաց է
մարդկության շահերին՝ պետք է մերժվի և հաղթահարվի։

Այսպիսի գիծը բնորոշ է եղել ուսուցիչ-դեմոկրատների համար։ Ժողովրդից են սկսել
բոլոր ազնիվ հումանիստ մեծ մտածողները։ Հայտնի է, որ Մարքսի և էնգելսի հայացքների վո-
լյուցիայի մեջ այս մոմենտը նույնպես կարևոր դեր է կատարել։ Նրանք աստիճանաբար սկսեցին
հասկանալ, որ ափերի մեջ շտեղավորվող հեգելյան փիլիսոփայությունը և իրականությունը ան-
շափ իրարից հեռու են։ Հեգելի երկնային սնունդը բոլորովին պիտանի չէ երկրում ապրողների
համար։ Հայնեի մի արտահայտությամբ, կուսակ են խոստանում երկնքում, բայց ծիտը չեն դնում
մարդկանց բոլի մեջ։ Ժողովրդի շահերի պաշտպանության կիրթը, մեծ ձգտումը ոչ միայն հրում
է մարդուն դեպի պրակտիկ ակտիվ գործողություններ, այլև երևույթների գիտական բացատրու-
թյան պահանջն է ստեղծում։

Բելինսկին համառ և հետևողականորեն պայքարել է վոլյունտարիզմի դեմ։ Վոլյունտարիստի
համար մարդկային կյանքը մի կատարյալ քաոս է, որտեղ ինչ-որ երկնային անհատներ կանթեղ-
ները ձեռքնելին այս ու այն կողմ թափառում են և ինչ-որ լուսավոր հետքեր են թողնում...

Անհատը կամեցավ՝ այս ինչ բանը եղավ, անհատը ընկավ՝ ամեն ինչ մարեց... Մարդու
կամքը օժտվում է ինչ-որ գերբնական գործությամբ։ Կյանքի բոլոր կարգի տեղաշարժերն ու
փոփոխությունները կապվում են մեծ անհատների սոսկ մտահղացումների հետ և բոլորովին ան-
տեսվում են օրյեկտիվ պայմանները, ոեալ հնարավորությունները, պարագաները։ Սուր քրն-
նադատելով վոլյունտարիստների հայացքները Բելինսկին գրել է. «Փոփոխությունների և բարե-
լավումների անհրաժեշտությունը պետք է մատնացույց անեն բուն պարագաները, և պարագա-
ների օգնությամբ էլ պետք է կատարվեն այդ փոփոխություններն ու բարելավումները»։

1841—1842 թթ. սկսած Բելինսկին կրակուտ ձևով քննադատում է իդեալիզմը, հեգելյան վե-
րամբարձ միստիցիզմը։ Բելինսկուն նվիրված գրականության մեջ շեշտվում է այն փաստը, որ
Նա ծանոթ է եղել «Deutsch-Französische Jahrbucher»-ին («Գերմանա-ֆրանսիական
տարեցույց»), որի մեջ եղել են Մարքսի հոդվածները՝ «Հրեական հարցի շուրջը», «Հեգելյան
իրավունքի փիլիսոփայության քննադատության շուրջը» և էնգելսի «Փաղաքատնտեսության քրն-
նադատության ուրվագծեր» հոդվածը։ Այս ազդեցությունը հեշտացրեց Հեգելի փիլիսոփայության
իդեալիստական էության մեջ թափանցելը։ Հեգելի փիլիսոփայության մեջ Բելինսկին տեսնում էր
քողարկված, պճնազարդված ֆատալիզմ, որը կաշկանդում, կծկում էր հոգու թուխը, ավելորդ
էր դարձնում համարձակ, խիզախ գործողությունները, թուլացնում ակտիվությունը։ Բելինսկին
հակվեց այն տեսակետին, որ զարգացումը չունի վերջ, մինչդեռ Հեգելի փիլիսոփայությունը
թույլ է տալիս ենթադրելու, որ բացարձակ իդեան մի ինչ-որ աստիճանի վրա կանգ է առնում և
սառում ու դրանով էլ վերջ է տրվում ամեն մի զարգացմանը։ Նա շեշտել է, որ ոչ բնության
և ոչ էլ մարդկային կյանքում զարգացումը կանգ չի առնի, երբեք մարդկությունն չի բռն չի
ասի՝ կանգ առ, բավական է, այլևս առաջ գնալու տեղ չկա։ Հեգելի մոտ կյանքի երևույթները
դառնում են սոսկ բացարձակ իդեայի ինչ-որ անկատար դրսևորումներ։ Այս տեսակետից բնորոշ
է առանձնապես Հեգելի պատմության փիլիսոփայությունը, որի մեջ իրական կյանքը մարում է,
այլևս ոչ մի իրական կայծ, լույս... լույսը «գրսից» է մտցվում հասարակական կյանքը, այդ
«դուրսը»՝ դա հենց բացարձակ իդեան է։ Լինելով մատերիալիստ Բելինսկին գտնում էր, որ
ամարդու հոգևոր բնությունը չպետք է անջատել նրա ֆիզիկական բնությունից, որպես ինչ-որ
առանձնահատուկ և նրանից անկախ բան, բայց պետք է տարբերել նրանից, ինչպես անատոմիայի
ընագավառը տարբերում են ֆիզիոլոգիայի ընագավառից։ Մտքի օրենքները պետք է դիտվեն
մտքի գործողությունների մեջ. դա տրամաբանության գործն է, մի գիտություն, որն անմիջա-
կանորեն հաջորդում է ֆիզիոլոգիային, ինչպես ֆիզիոլոգիան հաջորդում է անատոմիային²։
Զարգացման իդեան Հեգելի մոտ դուրս է իրերի աշխարհից։ Բելինսկին պահանջում էր, որ զար-

¹ Վ. Գ. Բելինսկի, փիլիսոփայական ընտիր երկեր, հատ. 1, էջ 221.

² Նույն տեղում, էջ 411.

³ Նույն տեղում, էջ 30:

հասցնում, իդեալական գործադրվի բուն իսկ իրականության մեջ, ո՞հալ իրերի և երևույթների աշխարհում: Զարգացման իդեալի հետ սերտորեն կապվում է պատմականության սկզբունքը:

Բելինսկին գտնում էր, որ պատմականության սկզբունքը պետք է գործադրել ամենուրեք: Այդ սկզբունքով մոտենալով ուսական իրականությանը, մեծ գործիչն ու մտածողը գտնում էր, որ ուսական ճորտատիրական կարգը անախրոնիզմ է հիշեցնում: Վյանքի, հասարակության իսկական աղբի՝ աշխատավոր մարդը գրաստի գերումն է հանգես դալիս՝ ամենուրեք լլկվում է և հարստահարվում:

Ռևոլյուցիոն պաթոսի բարձրագույն կետն իր արտահայտությունը գտավ Դոգուին գրած նամակում (1847): Լենինը գրել է. «Մեր ազատագրական շարժման մեջ ազնվականներին ուղեկցողների կողմից լիովին գուրս մզելու նախորդը դեռևս ճորտատիրական իրավունքի օրով է. Գ. Բելինսկին էր: Նրա հռչակավոր «Նամակ Դոգուին», որ հանրագումարի էր բերում Բելինսկու բանական գործունեությունը, անցնեղուրային դեմոկրատական մամուլի այն լավագույն երկերից մեկն է եղել, որոնք մինչև օրս էլ պահպանել են իրենց հսկայական, կենդանի նշանակությունը»:

Այդ նամակի մեջ ամբողջ վեհությունը ցուցադրվեց խոշոր մտածողի հոգեկան և մտավոր աշխարհը: Նրա նպատակների նպատակը ուս մեծ ժողովրդի ազատագրումն էր: Նրա հանճարեղ գրչի բոլոր արտահայտությունների մեջ երևում էր անխախտ հավատը ժողովրդի մեծ գործի նկատմամբ:

Քաղաքական ծրագիրն էր՝ խորտակել ճորտատիրական իրավունքը:

Իրականության զգաստ ուսումնասիրությունը օգնեց Բելինսկուն թափանցել հասարակական կյանքի որոշ հակասական կողմերի մեջ: Նա, ճիշտ է, չկարողացավ բարձրանալ մինչև պատմական մոտենալիզմի աստիճանը, չկարողացավ հասկանալ հասարակական կյանքի շարժիչ ուժերը, չհասկացավ արտադրության եղանակի դերը հասարակական ֆորմացիաների փոփոխության մեջ, սակայն առանձին հարցերում ցուցադրում էր մտքի մեծ փայլ և խորություն: Այսպես, օրինակ, շոշափելով ուսական հասարակության հետ կապված որոշ հակասությունները, որոնք դժվարացնում և խճճում են բարեփոխությունների գործը՝ նշում էր, որ ուսական հասարակության մեջ անջատման ոգին կապվում է սարբեր շրջանների, դասերի իրական դրության հետ: Նա նկատել է, որ յուրաքանչյուր դաս յուր առանձնահատուկը, սեփականն ունի՝ թե՛ հագուստը, թե՛ սովորությունները և թե՛ անգամ լեզուն... մեծ է անջատումը, որն իշխում է... միևնույն հասարակության տարբեր դասակարգերի ներկայացուցիչների միջև:

* * *

Բելինսկին իր քաղաքական համոզմունքը, փիլիսոփայական գաղափարները զարգացրել է գրականության և ընդհանրապես արվեստի հարցերում: Այս բնագավառում նա նոր և նշանակալից խոսք է ասել: Հայտնի է, որ իդեալիզմի ամենահուսալի բնագավառը դա արվեստի աշխարհն է եղել: Բելինսկին մեծ թափով և եռանդով գրոհում է այդ «անմատչելի» բերդի վրա: Իդեալիստական ընդհանուր ճանաչված, քարացած դրույթներից մեկն այն է, որ արվեստը դուրս է ճշմարտության սահմաններից: Արվեստը իրր թե շնթից մերժում է հետազոտության, ստուգման ոգին: Իդեալիստական հայացքը արվեստի հարցերում կտրուկ մերժում է նրա իմացական նշանակությունը. արվեստի մանվածքը իրր թե բնազդն է կամ էլ՝ անգիտակցականը: Արվեստի դերը իդեալիստները համարում են այն, որ նա օգնում է մարդուն կտրվել, վերանալ ունալ աշխարհից: Այս բնույթով արվեստը մոտեցնում են երագին, կրոնին և այլն: Նրազն ու արվեստը մարդուն տանում են դեպի այնկողմային, անուրջների աշխարհը: Իդեալիստ արվեստագետները հատկապես պնդել են և շարունակում են պնդել, որ արվեստը ոչ մի ուրծ չունի ունալ կյանքի, օրյեկտիվ ճշմարտության հետ: Արվեստի թեորետիկներից մեկն ուղղակի պնդել է, թե էսթետիկայի ամեն մի սխտեմը, որը հավակնում է հենվել օրյեկտիվ ճշմարտության վրա, ակներևորեն սյնքան անմիտ է, որ նույնիսկ անարժան է դառնում քննության համար: Ըստ իդեալիստների, պոետը, վիպասանը և արվեստի այլ ձևերի ներկայացուցիչները մի տիրապետող ձգտում ունեն՝ առարկան ներկայացնել հրապուրիչ ձևով: Ունենալով այսպիսի նպատակ արվեստի մարդը միջոցների մեջ չպետք է խտրություն դնի. չպետք է խույս տա ոչ մի գունավորումից: «Հավերժական գեղեցիկը» — ահա արվեստագետի բնագիծը, իսկ «հավերժական գեղեցիկ» բնագիծը ոչ մի ընդհանուր բան չունի օրյեկտիվ ճշմարտության հետ:

Բելինսկին հիանալի կերպով ցույց է տալիս իդեալիստական միաժի բացասական նշանակությունը: Նա հարուստ փաստարկներով հիմնավորում է այն դրույթը, որ ճշմարտության որոնման պահանջը իսկական արվեստի նշան է: Հասարակության գիտակցության բոլոր ձևերը, դրանց

¹ Վ. Ի. Լենին, Երկեր, հատ. 20, էջ 298:

թվում հաև արվեստը, լույս աշխարհ են եկել հենց ճշմարտությունը որոնելու և գտնելու ճանապարհի վրա: Բեյլինսկին հարցը դնում է այսպես. վայելելը թիչ է, վայելումն առանց իմացության չի կարող բավարարել մարդուն: Նա գրել է. «Ավելի հաճելի պատկեր չի կարող լինել, քան այն, որ մեզ մոտ գիտությունը մոտենում է կյանքին ու հասարակությանը»:

Ոչ միայն գիտությունը, այլև արվեստը պետք է թափանցի իրականության խորքերը և տոգորվի ժամանակի այրող հարցերի լուծման նպատակադրումով: Արվեստը ոչ միայն պետք է արտացոլի տվյալ իրականությունը, դարաշրջանը, այլև այնպիսի գործունեություն է, որ արվեստի գործերը լիովին տոգորվեն այժմեականությանը: Պրոգրեսիվ, ճշմարիտ արվեստի դերն այն է, որ կյանքին հզոր մղում տա, այսինքն ակտիվորեն միջամտի կյանքին և օգնի հնի, վատի տապալմանը և նորի, լավի ստեղծմանը: Բեյլինսկին հստակապես շեշտել է այն միտքը, թե զեղարվեստական երկը նրա համար չէ, որ պասսիվորեն պատկերի կյանքը, հաշտվելով ստատուս-քվոյի հետ, այլ նրա նպատակն է պատկերել կյանքը կապված հզոր մղումների հետ: Գեղարվեստական գործը նույնպես ժողովուրդներին, մասսաներին պետք է արթնացնի լավ գործերի համար, արգասավոր գործողությունների համար:

Նա գրել է. գեղարվեստական երկը մեռած է «թեև նա պատկերում է կյանքը լուրջ նրա համար, որ պատկերի կյանքը՝ առանց դարաշրջանի գերիշխող մտքի մեջ իր սկիզբն ունեցող որևէ սուրյնկտիվ, հզոր մղումի, եթե նա տառապանքի ողոր չէ կամ հիացմունքի ներքող, եթե նա հարց չէ կամ հարցի պատասխան»¹: Բանաստեղծին, գրողին, նկարչին անհարկ է իդեալիստների պահանջը — «թուշունի երգ»²: Իսկական արվեստագետը չի կարող «թուշուն» լինել, որովհետև նա ամենից առաջ քաղաքացի է, իր հասարակության և դարաշրջանի զավակը: Գրողը, եթե իրոք գրող է, չի կարող չյուրացնել իր ժամանակի խթանող իդեաները, չի կարող իր ձգտումները չձուլել ժողովրդի բարձր ձգտումներին հետ:

Այն հարցին, թե որ գրողն է մոռացվում, մեծ մտածողը պատասխանում է. մինչև անգամ տաղանդ ունենալու դեպքումն էլ մոռացվում է նա, ով հոգևհարազատորեն կապված չէ իր դարաշրջանի հետ: Այն գրողներն են մոռացվում, որոնք թույլ հայացք ունեն կյանքի վրա, ոչ հոգու ու սրտի հավատը կազմող սեփական համոզմունքներ, ոչ գոկտրին, ոչ էլ սկզբունքներ³: «Թրուշունների պես երգելը», այսինքն երգել սոսկ երգելու համար՝ արվեստի բուն խնդիրը չէ: Այդպիսի պահանջը բխում է արվեստը արվեստի համար սկզբունքից: Այս տեսակետից հետևում է, որ արվեստը մի տեսակ պատրաստ ձևերի մեջ երկնային հեռուններից է իջնում երկրի վրա: Նման տեսակետ պաշտպանողները պնդում են, որ ստեղծագործության ազատությունը անհամատեղելի է օրյնկտիվ ճշմարտության, սոցիալական լիարժեքության պահանջի հետ: Նրանք գտնում են, որ արվեստի ակունքը սուրյնկտն է, ուստի և արվեստը չի կարող սուրյնկտիվ չլինել: Բեյլինսկին մեծ սրությամբ և հարուստ փաստարկներով քննադատում է այս տեսակետը՝ ցույց տալով նման հայացքի անգործությունը: Իդեալիստ գեղագետներն առանձնապես ձգնում են ցույց տալ, որ հասարակական շահերի պաշտպանության, այժմեականության պահանջը ոչ մի կերպ չի համատեղվում ստեղծագործության ազատության հետ: Բեյլինսկին հիանալի կերպով ապացուցում է, որ ստեղծագործության ազատությունը շատ լավ համաձայնվում է այժմեականությանը ծառայելու հետ:

Արվեստի բուն խնդիրը իրականության վերարտադրությունն է, վերարտադրությունն ակտիվ նպատակասլաց ոգով:

Արվեստի հարցերին նվիրված մեծ մտածողի ու գործչի բոլոր գործերն ու հոդվածները ունեն փիլիսոփայական խոր տոգորվածություն: Հայն է, շատ լայն է մտածողի հորիզոնը, շատ խորն են հոգու դրսևորումները, ջերմ, անթառամ սիրով է լցված դեպի ժողովուրդը, այրվում է նրա հոգսերով, բերկրում է կոահելով ողու մեծ ժողովրդի ապագան...

Լենինը ցերմությամբ շեշտել է ողու ուղղություն-դեմոկրատների ժառանգության կարևոր նշանակությունը ապագա սերունդների համար:

Բեյլինսկին պատկանում է այնպիսի մեծ մտածողների, գործիչների թվին, որոնց մտքի և հոգու նորարարական ուժն ու հմայքը ոչ միայն չեն թուլանում, խունանում ժամանակի րնթացքում, այլև մեծ տեղաշարժերի լույսի տակ ավելի հոյակապ ու գրավիչ են դառնում: Հավ է ասել Գերցենը. «Այս ամոթխած մարդու մեջ, այս տկար մարմնում մի հուժկու, գլադիատորական քնություն էր ապրում: Այո, դա ուժեղ մարտիկ էր»⁴:

¹ Վ. Գ. Բեյլինսկի, Փիլիսոփայական բնտիր երկեր, հատ. 1, էջ 443:

² Նույն տեղում, էջ 442:

³ Նույն տեղում, էջ 432:

⁴ Ա. Ի. Գերցեն, Փիլիսոփայական բնտիր երկեր, Երևան, 1930, հատ. 2, էջ 234: